

Terap unsur Islam dalam institusi keluarga

Keluarga adalah sebuah institusi sosial asas yang memainkan peranan penting dalam membentuk sahsiah dan perilaku seseorang individu. Perkembangan pemikiran, emosi dan juga tingkah laku seseorang bermula di dalam suasana kekeluargaan sejak peringkat bayi lagi.

Masalah keruntuhan institusi keluarga Islam di negara ini semakin membimbangkan dengan rekod Jabatan Kemajuan Islam Malaysia (JAKIM) mendapati sebanyak 28,035 pasangan bercerai sepanjang tahun lalu.

Masalah perceraian yang semakin meningkat ini secara tidak langsung menyumbang kepada permasalahan sosial yang kini menjadi suatu isu yang serius dalam negara.

Kenyataan Kementerian Pembangunan Wanita dan Masyarakat mengenai jumlah anak Melayu yang paling banyak berada di pusat pemulihan akhlak amat mendukacitakan kita.

Permasalahan ini dapat dibendung dengan menerapkan unsur Islam dalam sebuah institusi kekeluargaan.